

# INUIT ATAQATIGIIT

## INATSISARTUNI



20. august 2015  
UKA2015/113

Inatsisartut Suleriaasianni § 33 naapertorlugu aalajangiiffisassatut siunnersuut imaattoq matumuuna saqqummiuppara:

**Naalakkersuisut oqartussaaffiit nunatsinnut angerlaassassarineqarsinnaasut ilanngussaq 1-imi allassimasut Namminersorlutik Oqartussat inatsisaani allassimasuni suliassaqarfiiit pineqartut pillugit Naalakkersuisut nalunaarusioqqullugit peqquneqarnissaanik Inatsisartuni aalajangiiffisassatut siunnersuut. Nalunaarusiaq, kingusinnerpaamik UPA2018-imi Inatsisartunut saqqummiunneqartussanngortitassaq, suliassaqarfiiit ataasiakkaani tamani tulliuttunik nalunaarsuiffiussapput:**

- a. **Suliassaqarfiiup ingerlanneranut ullumikkut Naalagaaffimmut qanoq akeqarpa, Kalaallit Nunaannullu qanoq akeqassava illersorsinnaasumik suliassaqarfik ingerlatissappagu?**
- b. **Suliassat ingerlannissaani piginnaasat suut eqquutsinnejassappat, Kalaallit Nunaanni Namminersorlutik Oqartussat suliassaqarfik ingerlannejartumik illersorneqarsinnaasumik ingerlatsissaguni?**
- c. **Iluaqtigineqartussat pitsaanngequtillu suliassaqarfiiit ingerlannejartut angerlaannerini suut kingunerissavai?**
- d. **Suliassaqarfiiit ingerlannejartut angerlaannissaanni suliassat piffissami sivikitsup iluani, piffissami akunnattup iluani imaluunniit piffissap sivisup ingerlanerani suliarineqarlutik tulleriissarneqarnissai Naalakkersuisunit ingerlannejartussaasorivaat?**

(Inatsisartunut ilaasortaq Aqqaluaq B. Egede, Inuit Ataqatigiit)

### Tunngavilersuut:

Iniuiattut namminersuleratta aamma Kalaallit Nunaat namminersortunngormat sulinita qasukkaamisimasutut inissikkaluttualernera maluginiarsoraara. Inuaat nunatsinni siunnerfeqa-qatigiinnerput qaqutiguinnaq tarsiallattartutut misinnarsiartuinnarpoq. Tamatta assigiinngitsumik oqaatiginiartutut ipparput alloriarneq tulleg qanoq ittuussanersoq, taava assortuunneq aallartittarpoq.

Siunnersuuteqartutut isumaqarpunga suleriaaseq isumaqatissarsiortoq annertusarlugu sulinerput aallartittariaqaripput. Inuaat namminiilivinniartut siunnerfimmink tammaas-sisuusileraangata nalornineq nikinnaveeqqanerlu nukittorsartutut piunnaarlugit naalakkersuinikkut siuttutut aqquissanik tikkuussiuarnissamik inuillu siunissaannik tikkuussisuunissamik ingerlaaseqarneq maani inersuarmi naammassiniagassatta pingaartut ilagaat. Immaqa pingaarnertut allaat isigisariaqarluni.

Inuaat namminiilivinnissatta qanoq paasisariaqarnera aammalu suliassanik qanoq ittunik aqquusaagassaqarnera takussutissakippallaqaaq inuit akornatsinni, kisianni aamma maani inersuup iluani suleqatigiit akornatsinni. Siuarsarniarta suleqatigilluta alloriarfissarsiorluta.

Siunertaq anguneqassappat periusissioqatigiinnissarput pisariaqarsoraara. Aamma pisariaqarsoraara oqaatigissallugu, akerleriissutiginngisatsinnik salliutitsillaqqinnerusariataratta inuaat ataatsimoortut siuttuminnik ataaqqinnittut pilersinneqassappata.

Namminersornermi suliassanik tulleriaarineq siunertaasunut naleqquttumik sulineq amigaataavoq. Inatsisartut ataatsimiititaliaanni namminersorneq pillugu inatsimmik toqqammaveqarluni sulisumik amigaateqarnarpoq. Inuaallu namminersortut namminiilivin-nissaannut suliniutit aamma maqaasinartuusut isumaqatigiissutigisinnaavagut. Aali pingaernerpaatut suliassatut isigineqartut ataasiaannarata tusartalarluarippuit.

Siunnersuut una aqqutigalugu periarfissikkumavara kalaallit Nunaat naalagaaffeqatitsinnut ataasiulluni sassarsinnaanerulissasoq aamma suliasssat suut salliusariaqarnerinik tikkuaasin-naalissasoq. Pisariaqalerpoq tamatta oqarsinnaalissalluta uagut ima iliorluta namminiilivissaagut, suliassat tulliuttut ukuupput, aamma pingaarnersiuisinnaalluta ingerlatsisinnaanissarput periarfissikkumallugu.

Namminersorneq Pillugu Inatsit siammaseqaaq aamma annertoqaaq. Ilaatigullu takujuminaas-sinnaasarloq qanoq periuseqarluni Naalakkersuinikkut ingerlariaqqittoqassanersoq. Inuillu namminiilivinnissamik isumaat aamma nukitorsagassarpassuaqarpoq, namminiilivinnissarmi isumaqanngilaq inuaat allat ajattorlugit sulissasugut. Naamik, Inuaat Kalaallit ataaqqinarluta tatiginartumillu pissuseqarluta nukissaqarluartuunerput nappatigalugu suliassamut appakaattariaqarpugut.

Suleqatigiinneq paaseqatigiinneq siunissamilu pisussanik ataatsimoorussaqarnissarput siunnersuutigaara. Neriullinga naalakkersuinikkut katersuuffiusumik ingerlatsinissaq angusinnaajumaarlugu, siunnersuutima ilassilluarneqarnissaa kissaatigalugu saqqummiussara naatsumik tunngavilersorpara.

**Aningaasaqarnikkut allaffissornikkullu kingunerissasat:**

Nalunaarusiamik suliaqarneq suliassaq annertussaaq, tamatumani ilangullugit siumoortumik sukumiisumik naalagaaffimmi oqartussat aammalu pisortaqarfiit suliassanut attuumassuteqartussat akornani. Piffissamik atuiffiussaaq suliassanik annertuumik kivitassaqarfiussalluni.

Naatsorsuutigineqarsinnaasorinarpooq allaffissornikkut suliassanik sulisunik atuiffiussasoq, siunnersuutip piviusunngortinnejarnissaani atorneqartussat, ukiuni tallimani AC ukiumut suliassanik atuiffiusut ukiut ilivitsut atorneqassasut, pineqartut pisortaqarfinnut assigiinngitsunut arlariinnut agguataarneqassallutik. Aningaasartuutinik 2½ millioner kr.-inik naleqarpoq tamanna.

**Namminersortunut aningaasaqarnikkut allaffissornikkullu kingunerisassat:**

Soqanngilaq. Pitsaaquteqanngilaq pitsaanngequteqaranilu.

**Innuttaasunut aningaasaqarnikkut allaffissornikkullu kingunerisassat:**

Soqanngilaq. Pitsaaquteqanngilaq pitsaanngequteqaranilu.